

Mandata & Publicata à D.D.
PRÆTORE, CONSVLIBVS, SENATORIBVS,
ET CONSILO CIVITATIS
ANTVERPIENSIS,

VI. Iunij Anno M. D C. LX.



Um Domini & Consilium Ciuitatis, pro-
nocolumitate huius vrbis Antuerpiensis
ac Domini eiusdem 12. Septembris 1624.
expedire iudicassent erigi Collegium Me-
dicum, ac conscribi mandata quadam concernentia
Sanitatem, quibus vnusquisque (volens exercere
praxim Medicam) se conformare obligaretur, nihi-
lominus tamen animaduertentes, temporis interuallo
inuectos esse notabiles errores ac abusus, & Mandata
prius lata, tamquam oblitterata, vigore suo destitui;
idcirco ratum duxerunt priora illa hoc nouo decreto,
superadditis nonnullis ad bonum publicum pertinen-
tibus, renouare, itaque supra dictâ Auctoritate strictè
cauetur & iniungitur.

Primo: vt ex Officialibus præsentis Collegio Me-
dico inseruientibus, quotannis communibus Docto-
rum, ac Licentiatorum Medicinæ, in prædictum
Collegium assumptorū suffragijs tres in functione sua
continuentur & Quatuor alij, in locum suo munere
de-

defunctorum, eligantur, in quo numero septenario, semper esse debebunt (ad minimum) duo Medici huius Ciuitatis Iurati.

2. Et quicumque deinceps praxim Medicam tam in hac vrbe, quam eius dominio profitebitur, debeat ad minimū ad Licentiæ gradum legitimè esse promotus, in quapiam vniuersitate, iurisdictioni suæ Regiæ Majestatis subdita, de quo litteras testimoniales Officialibus prædicti Collegij exhibebit, præstans Iuramentum D. protectori (à Magistratu eligendo) aut (in eius absentia) prædicti Collegij Præsidi, se omnia hæc mandata ad amussim religiosè obseruaturum; & (vt expensa Collegij quoquo modo inueniantur, soluet semel pro introitu triginta sex florenos, & quicumque hisce contraueniens inuentus fuerit praxim Medicam exercuisse, singulis vicibus mulctam viginti quinque florenorum persoluet.

3. Curabunt deinceps sedulò Officiales prædicti Collegij, ne quis pharmacopola diuendat vlla medicamenta, nisi ea, quæ illo anno à delegatis à Magistratu duobus Medicis, ac totidem Pharmacopæis fideliter visitata & tamquam bona approbata fuerint.

4. Et quicumque in posterum Pharmaceuticen uoluerint exercere, debebunt post triennale in hac arte exercitium, & biennem continuam apud approbatum & expertem quendam eius Artis magistrum cohabitationem, oretenus benè examinati, & confectio-

ne quorundam medicamentorum approbati, prædicto Collegio specimen suæ capacitatis exhibere, & iurare, se æquali mensurâ & pondere semper daturos ac confecturos, bona & approbata medicamenta secundum præcepta Valerij Cordi, donec & vsque à Prædicto Collegio Medicorum aliter fuerit ordinatum.

5. Tenebuntur præterea Chyrurgi ac Barbitonfores suâ statuta, ac Mandata, concernentia ipsorum munus, ipsis data & à Magistratu Urbis adhuc danda, strictè obseruare: & viduæ quæcumque post obitum mariti Chyrurgicam suam officinam retinere volent, sibi intra trimestre à mariti discessu, aut post horum publicationem de famulo Magistrando, providebunt, qui post debitum examen idoneus repertus, ad nulla alia, munus Chyrurgicum concernentia, manum mittet: quam illa, ad quæ scripto testimonio à Collegio Medico fuerit admissus, sub pæna sex florenorum à tali vidua soluendorum.

6. Nemo ex parte Ciuitatis ad curandos peste infectos constituetur, nisi prius à Iuratis Ciuitatis Medicis secundum pristinam consuetudinem fuerit examinatus ac idoneus iudicatus, & ubi à Dominis Magistratus fuerit receptus, Catholicæ Romanæ Religionis, iuramentum præstabit, se cum omni fidelitate isto munere gnauiter functurum.

7. Nullæ sæminæ obstetricari poterunt, aut huius ministerij signum foribus appendere, nisi prius honestæ
suæ

suae vitae testimonium à Parocho suo scriptum attulerint, à Iuratis Ciuitatis Medicis, more solito, sint examinatae, & scripto id ipsum Dominis Magistratus notum fecerint, pro quo soluent duodecim florenos, & à praedictis Dominis admissae, antequam id muneris obire poterint, iuramentum praestabunt, se nulla medicamina ad muliebres morbos vnquam exhibituras, nisi ex consilio Iurati alicuius Medici, hinc loci commorantis, sub pœna viginti florenorum.

8. Ad horum mandatorum plenam obseruationem, ac promotionem, omnes qui deinceps praedicto Collegio Medicorum immatriculabuntur, sanctè iurabunt omnia hæc se obseruaturos, quod iuramentum annis singulis ab illis renouabitur, qui ad aliquod munus, vel officium in praedicto Collegio eligentur, sicuti etiam fiet tam à Decanis Chyrurgicæ, quam Pharmaceutices Artis Senioribus seu Officialibus.

Tripartientes omnes superiores inultas secundum antiquam consuetudinem:

Remanentibus antelatis omnibus decretis, ac mandatis (his non contrarijs) in sua potestate ac vigore, Praedictis Dominis potestatem, ac ius sibi reseruanti- bus hæc immutandi, augendi, minuendi pro vt iudicauerint pro opportunitate temporis expedire. Ita Actum in consistorio Consilij (diei Lunæ dicti) vigesimâ primâ, & vigesimâ octaua Aprilis 1659.

Signat.

PH. VAN VALCKENISSEN.